

nôt ogisi saseoatagona, na saseoatotj tóg, nin eimaneg neppeg misôgo gisi ag nemitóg tan tet etli apatji igatoliti otgatalotega, nin na ansema illatjio ngelamog-sisag ngitjag oetjigetitita.

—o—

LNO PIPANIGESIT.

Notj ginoatoi tan gisi telategegp tan teli gisi pisgoatitesnen na ogtj-igesoi maioîmi.

Iei eta mesganaton goisonem ag tan tesióg giga patliaseoei oigatig-enigtog ; —2ei pgoateltesg mesgig napoigigen gtjioogsoei tan gapitiôtsg giga ; mo eiteog telumog gpatliasemoag, nin apoltes, tapon-emigel gegonemanel 25 ag 50 sent-el telaogtigel ; —3ei oplaganeg maioi alasotmaiôg neogt neogtigisgeg tan thlip netaoagatoóg, ag ig tan netagiltjt egitemôg tes gis gaeo alasotmagan : "Agai ! petjili gsa-loen ;" ag gteg "Agai ! Sesos," egitemôg tan gisi mesganatasig goisonoôo, tôgo thlip gisi minoi gitemôg tes tepgenoset neogt. Oen telgig pelatóg, môgoetj eta patategego, sgato oen telasit gôgoatjateget.

THANKS

Moialot sagmao tan niganpogoit "Canadian National League" otjit oi, gatigentjij tan petgitgep ola solnaltjijigtog.

Ngotei tan oen petgitg "Unsanitary Housing" ag esgoiag.

SAN NOELOG

Nepgenag segepenegatig 18 tes. meô 1911, ogomoltjin tesinsgegipona tag tjel tapo, 19 tesipoungg teli pgitji sagmaoitag ; tapo patlias pegising gesinogoaliteg, pigoelgag mimatjoinoag natji nemiatita mesgigeg otgotamgega.

Ag na teli gespi gelositag tan thlasi tóo salite elmiag negem gagieta : "Nitjantot nige mset telimológ tan tesióg etamológ elmiag Gisolg ogoaliti na tan teseg gôgoei eig notapsontjij na ntoisgetotógsep otjit tanig spasogegatig eigig mtjijagmitj otapôgônematingeoeimoôoa, ag elt na nin etaœi notapesi na apôgônematingeoei salitea, na teltamológ, nitjantot, ag na thlimateôgsep gotjino patlias tan nige nin teloeia elmiag mo ositgamog eimoana. Nin San Noel sagmao Segepenegatiga."

Na teli agnotg Malli Lolan, ag atja-

—o—

Etog notj emg tjitjoaga oen oisigi tjileg etog gesgeminpeg ; alt na mimatjoinoag etjig gesgemi npoagen eig ; alt teloatitjig ansema oen totjio oegoigasig otoigatigen oasôg eteg.

Oisigi npoagan gisi oitemeg gesgemi npoagan, meta mo iganogsepen tan oisigi tjileioeg me pgitaogsisôg tan oisigi npeg, na ogtjit mset oen atignasit omitatotemen ogtining gisna oigmaoimg tan gôgoei gisi nepategeg. Eln tepetog Gisolg negem nigantog nenemoatjel tan teli pgitaogsilis, tan teli tjileioegsilal ag tan tetotji tógagtjitjatasittal onagomel, tôgo telgig igatóg ag nigani tpeleteget ; na otjit soel teliag tan teloemg, thlip oegoigasig otoigatigen. Istege pa tjiptog nin eogemolan oigatigen neogtisgegsitjig nipig maœietjig, gato nigani gtjtjito mitjoatjij tan elmatasg môgoe nestoeigo gisna eloeoit